



Vischnaunca Lumnezia

| Palius 32D, CH-7144 Vella | +41 (0)81 920 60 00 | info@lumnezia.ch | www.lumnezia.ch |

PROTOCOL RADUNONZA COMUNALA LUMNEZIA
08 D'UOST 2025

2025/02

08 D'UOST 2025
CANZLIA COMUNALA, 7144 VELLA
Palius 32D, 7144 Vella

Tractandas

1. Avertura	3
2. Protocol dalla radunonza communal dils 25 d'avrel 2025 (2025/01)	3
3. Informaziun project transiziun Ovras Zervreila (KWZ)	3
4. Revisiun parziala engrondiment plaz da ballapei el vischinadi da Vella	5
5. Engrondiment dil spazi da magasin a Davos Munts el vischinadi da Degen.....	6
a) Approbaziun dil project.....	6
b) Concessiun dil credit da CHF 520'000	6
6. Rendaments da quens finals	7
a) Sanaziun dalla via da meglieraziun Sogn Gudegn – Chischagl (Vignogn-Degen)	7
b) Cumpra d'in vehichel communal per la rumida da neiv.....	8
c) Cumpra d'in auto cistiarna per il corp da pumpiers Lumnezia.....	8
d) Sanaziun dils parcadis, canalisaziun, lingias d'aua e lingias d'electricitad a Sur Val-Davos Munts	9
7. Varia	9

Protocol dalla radunonza communal Lumnezia (2025/02)

Datum: Venderdis, ils 08 d'ust 2025
 Liug: Aula dalla casa da scola Sutvitg 28E, 7144 Vella
 Cuoz: 20:00 – 21:55 uras
 Presents: 43 votantas e votants e 4 hosps
 Parsura: Daniel Solèr, president communal
 Actuara: Anina Camenisch, actuara substituta

Tractandas

1. Avertura

Il president communal Daniel Solèr arva la radunonza communal fagend beinvegni als presents ed engrazia ad els d'haver dau suatientscha agl invit.

Milo Beeli e Clemens Hasler dallas Ovas Zervreila SA (KWZ) vegnan beneventai sco hosps.

Il president communal constatescha, che la radunonza communal ei vegnida convocada ad uras conform allas determinaziuns digl artechel 44 ella constituziun dalla vischnaunca Lumnezia, aschia che la radunonza ei cumpetenta da prender conclus.

Seschau perstgisar han:

- Gian Caduff, Cumbel (suprastonza communal)
- Rino Caviezel, Vella (cumandant da pumpiers)

La radunonza elegia dus dumbravuschs:

- Martin Cabalzar, Cumbel
- Norbert Capeder, Vella

2. Protocol dalla radunonza communal dils 25 d'avrel 2025 (2025/01)

Il protocol dalla radunonza communal dils 25 d'avrel 2025 ei staus exponius naven dils 09 da matg 2025 ella canzlia communal e silla pagina d'internet dalla vischnaunca, pia duront silmeins 30 gis.

Tenor art. 34 dalla constituziun communal vegn il protocol dalla radunonza communal exponius per investa dils votants sil pli tard in meins suenter la radunonza duront 30 dis en casa communal e silla pagina d'internet dalla vischnaunca cun corrispundenta publicaziun. Recuors ein d'inoltrar en scret duront quei temps dall'exposiziun alla suprastonza communal. Ils recuors vegnan tractai alla proxima radunonza communal. Decisiva ei aschia la publicaziun silla pagina d'internet dalla vischnaunca (cun corrispundenta publicaziun).

Il president communal Daniel Solèr constatescha, ch'igl ei buca vegniu inoltrau recuors en scret aschia ch'il protocol dalla radunonza communal dils 25 d'avrel 2025 (2025/01) vala sco approbaus tenor art. 34 dalla constituziun dalla vischnaunca Lumnezia.

3. Informaziun project transiziun Ovas Zervreila (KWZ)

Milo Beeli e Clemens Hasler dallas Ovas Zervreila SA presentan alla radunonza communal il project dalla transiziun Lumnezia.

Kurt Soller, Vella di ch'ei ha gia dau egl onn 1980 in tal project. Ussa detti dapli energia solara aschia che seresulti in péz d'energia. Aschia fuss in'investiziun en in project d'implont da respargn immobilial d'avantatg. Ei fuss ina pusseivladad da metter si danovamein il project.

Clemens Hasler declara ch'els han giu discuors cun la vischnaunca Val sogn Pieder, els han giu presentau duas differentas variantas. L'emprema varianta ei igl alzament dil mir da fermada Zervreila per 10 meters e la secunda varianta fuss da baghegiar in niev mir da fermada a Lampertschalp. La secunda varianta ei vegnida refusada claramain dalla vischnaunca.

Kurt Soller damonda tgei che schabegia sch'il lag ei emplenius.

Clemens Hasler menziuna che quei ei vegniu quintau ora gia cu ch'il mir da fermada actual ei vegnius baghegius. Ils 10 meters che duein vegnir alzai fissan dimensiunai idealmein. Cun la nova quintaziun duei il mir da fermada medemamein era puspei esser dimensiunaus sufficients. Ins mondi d'in trend dalla media digl onn anora e buc ord singulas mesiraziuns.

Martin Cabalzar, Cumbel menziunescha ch'el ha constatau els davos onns ch'ei hagi adina pli pauc aua ella Lumnezia. Ils glatschers seigien era strusch veseivels pli, quei seigi denton mattei vegniu risguardau tier las quintaziuns.

Clemens Hasler explichescha ch'els fan regularmein mesiraziuns e ch'ei dat fluctuaziuns enteifer igl onn, denton sco gia menziunau sa negin trend da pli pauc'aua vegnir constatau.

Martin Cabalzar di ch'ei segi p.ex. vegniu fatg tier las pardialas tiel Mulin da Pitasch drenaschas da gliezas uras. La Lumnezia ei cunzun in territori che ruschna e talas drenaschas ein vegnidas baghegiadas per la stabilisaziun. Ussa vegni fatg il cuntrari, ch'ins sappi quintar cun dapli moviment puspei.

Clemens Hasler declara ch'ei vegni buca fatg sbagls en disfavur dils possessurs da terren. Las surfatschas dallas pardialas vegnan mo leu engrondidas nua necessari.

Kurt Soller, Vella damonda sco ch'ei vesi ora cun la segirtad dil providiment dalla Societad Ovra electrica Lumbrein (SOEL) e dall'entira Val. Sco eis ei previu d'indemniser ni d'arver la reit da distribuziun.

Clemens Hasler declara ch'igl ei vegniu stipulau el contract da concessiun ch'ei detti ina colligiazion dalla reit entras in cabel ella stolla entochen tiel punct da colligiazion a Sogn Giusep. La prestaziun da 5MW ei definada al punct da colligiazion dalla reit a Sogn Giusep. L'utilisaziun commerciala ei che l'energia phisica vegn produzida ni retratga sur la bilanza d'energia federala.

Kurt Soller sedamonda sco ch'igl ei cun la segirtad dil providiment tier urezis sco il davos temps.

Clemens Hasler rispunda che da gliez ei previu ed era stipulau ellas cundiziuns da concessiun.

Il president communal, Daniel Solèr fa la remarca che la Repower SA, ch'ei reponsabla per la distribuziun dalla reit da Glion a Vignogn, ha previu da remplazzar las lingias libras cun cabels sutterans. Cheu setracta ei d'investiziuns da rodund 12 milliuns. Naven dil punct da colligiazion a Vignogn ei la SOEL responsabla per la distribuziun dalla reit. Sclariments e contractivas cun las Ovras Zervreila per rinforzar la reit da Sogn Giusep a Lumbrein ed a Vignogn ston aunc vegnidas menadas.

Martin Cabalzar, Cumbel damonda sch'ins lavuri ensemen cun las organisaziuns per il schurmetg d' ambient. Ein talas promptas d'acceptar quei project sco ussa previus.

Clemens Hasler explichescha che las organisaziuns WWF e Pro Natura ein da principi encunter. Ils davos 5, 6 onns ei bia vegniu luvrau vid quei project. El decuors digl onn 2025 han las Ovras Zervreila SA l'intenziun da sinscuntrar cun las organisaziuns e discuorer sco agir vinavon. El va da quei anora ch'ei vegn puspei a dar recuors encunter il project.

Ursin Bundi, Morissen damonda con che la sanaziun dallas pardialas cuostan.

Clemens Hasler di ch'ei vegn quintau cun cuosts da rodund 8 milliuns per l'adattaziun dallas surfatschas dallas pardialas.

Plinavon dat Clemens Hasler l'informaziun sur dils tscheins d'aua el cass ch'il project vegn realisau. Cun quei ch'il project vegn a far diever da subvenziuns federalas per las investiziuns preveda la lescha federala che per ils emprems 10 onns seigien negins pagamenti da tscheins d'aua allas vischnauncas concessiunaras pusseivels. Sin fundament da quei fatg ha la Corporaziun dallas vischnauncas concessiunaras (KOKWZ) intervegniu tier ils responsabels dallas Ovras Zervreila e fatg attent che drovi cheutier ina cumpensaziun

eguala alla valeta dils tscheins d'aua che vegnessan buca pagai ora allas vischnauncas concessiunaras. Il resultat dallas contractivas ei che las Ovras Zervreila vegnan a fundar per il project dalla transiziun ina societad acziunara "Kraftwerke Lumnezia AG" che ha la sedia en Lumnezia. La Vischnaunca Lumnezia ha la pusseivladad da separticipar vid la societad acziunara. La Vischnaunca ei fetg interessada da quella pusseivladad e vegn enteifer la suprastanza communal a menar la discussiun da principi dad ina participaziun, aschigleiti che la vischnaunca ei en possess dil sboz dil contract

Il president communal, Daniel Solèr explichescha che la vischnaunca sustegn ed ei interessada vid il project e la colligiaziun dalla reit a Val Sogn Pieder, din eventual rinforzament dalla reit da Sogn Giusep a Vignogn, dils tscheins d'aua sco era dall'energia.

4. Revisiun parziala engrondiment plaz da ballapei el vischinadi da Vella

Introducziun

- 1) La radunonza communal dils 06 d'october 2023 ha approbau la revisiun parziala pigl engrondiment dil plaz da ballapei. La Regenza dil cantun Grischun ha concediu la lubientscha ils 09 d'avrel 2024.
- 2) L'emprema concorrenza da project ei vegnida instradada ils 10 da fenadur 2024. Igl ei vegniu envidau quater biros d'architectura, da quels han treis inoltrau in'idea da project. Il giudicament ei succedius entras la cumissiun da project en collaboraziun cun experts externs ellas persunas da Jan Berni e Vincenzo Cangemi.
- 3) La cumissiun da project ed ils experts externs ein s'inscuntri ils 05 da mars 2025 culs architects che han inoltrau las ideas da project. Sin fundament dallas enconuschientschas fatgas ord il giudicament ei vegniu decidiu d'instradar ina secunda runda dalla concorrenza da project e d'inoltrar la revisiun parziala cul niev perimeter da baghegiar agl uffeci da planisaziun per preexaminaziun. Quei ei succediu ils 10 d'avrel 2025. Il resun digl uffeci da planisaziun tier la revisiun parziala ei staus positivs.
- 4) Ils 29 d'avrel 2025 eis ei vegniu decidiu definitiv d'instradar ina secunda runda dalla concorrenza da project cun il niev perimeter da baghegiar. Ella secunda runda eis ei vegniu envidau sis biros d'architectura. Ils quals han temps per inoltrar las ideas da project entochen ils 29 d'ost 2025.
- 5) La consultaziun da participaziun (Mitwirkungsaufgabe) per la revisiun parziala ei stada publicada ils 23 da matg tochen ils 23 da zercladur 2025. Igl ei vegniu inoltrau negins recuors durant il temps da publicaziun.
- 6) Il plan da termins definaus el dossier dalla concorrenza da project preveda tochen miez october 2025 la valetaziun dallas ideas da project inoltradas. Il zercladur 2026 duei la radunonza communal decider dall'approbaziun dil project e conceder il credit d'investiziun per mauns dalla votaziun all'urna. Il start dallas lavurs duessan saver succeder la primavera 2027. Eventualmein dat ei la pusseivladad d'entscheiver cullas lavurs vid il plaz gia atun 2026, tut tenor lubientschas e finanziaziun.

Discussiun

Kurt Soller, Vella ei per igl engrondiment dil plaz da ballapei. El fa denton la menziun ch'il plaz da ballapei duei vegnir previus a Degen. Quei giavisch audi el era ord la populaziun. La suprastanza communal duei sco emprem mussar ina varianta cun la damonda alla populaziun sche Degen ni Vella vegni favorisau. A Degen hagi ei gia la purschida da cuorsa liunga pigl unviern. Il territori che savess vegnir previus per il plaz da ballapei seigi era ulivs ed optimal e gia cun infrastruttura existenta. Ch'il process cuoza ditg seigi a mintgin clar. Il plaz a Bual seigi il sulet liug per il svilup dil vitg da Vella, schiglioc hagi ei a Vella buca pli plaz per baghegiar novas casas. Aschia mirau ei il plaz da ballapei entapeis a Bual per saver sviluppar il territori da baghegiar. El hagi era schon ponderau da far in'iniziativa dil pievel per aschia far attents la politica da sclarir las duas variantas.

Il president communal, Daniel Solèr declara ch'ei seigi vegniu informau detagliadamein alla

radunonza communal da dils 06 d'october 2023 daco ch'il territori a Degen seigi buca da perseguitar vinavon. Era il club da ballapei Lumnezia favorisescha da realisar l'infrastructura da sport nova a Vella. Plinavon ei il territori a Degen surfatschas cun midada da fretg (Fruchtfolgeflächen) e quei seigi gia vegniu sclariu cugl uffeci cantunal. Quellas surfatschas san buca vegnidas sligadas si, aschia ch'ina realisaziun dall'infrastructura a Degen ei actualmein negin'alternativa. Sche la vischnaunca vul realisar in'infrastructura da sport adequata al temps, ei quei a cuorta vesta mo il liug a Vella. Duess quella esser a Degen lu succeda el proxims 15 onns negina realisaziun d'ina nov'infrastructura e lu stuein sedumandar schebein nus vulein pér lu baghegiar in'infrastructura da sport per nossa giuventetgna. Nus duvrein ussa ina infrastructura da sport intacta.

Kurt Soller di ch'ei vegni adina purtau il medem argument. Il cantun Grischun hagi schizun dapli da quellas surfatschas che necessari, aschia sappien quels praus segir vegni pri ord quella zona.

La menziun da Kurt Soller vegn prida per enconuschientscha.

Proposta

Approbar la revisiun parziala tier la parcella 4597 a Bual, Vella cun l'adattaziun dalla zona per indrez da sport.

Conclus

La radunonza communal approbescha cun gronda majoriad, ina cuntravusch e senza abstenziuns la revisiun parziala tier la parcella 4597 a Bual, Vella cun l'adattaziun dalla zona per indrez da sport.

5. Engrondiment dil spazi da magasinar a Davos Munts el vischinadi da Degen

a) Approbaziun dil project

b) Concessiun dil credit da CHF 520'000

Introducziun

Davos Munts ei ina dallas pli attractivas purschidas da stad ella regiun, buca mo pli in liug da far bogn. Tuts san fa diever ed igl ei in liug da sentupada.

Igl ei in liug per occurenzzas seigi quei natalezis, nozzas ni aschia vinavon. Medemamein vegn il liug duvraus sco campadi.

Cul grond svilup ch'ei sedaus ils davos onns a Davos Munts metta l'infrastructura actuala a lur cunfins. Actualmein eis ei neginas relaziuns da lavur pil persunal per tut quellas purschidas a Davos Munts.

El fenadur 2024 ei il concept general da turissem (stad ed unviern) vegniu presentaus ed approbaus. Davos Munts sco era Triel ni Plaun Rueun a Cumbel ein vegnir definai cun la part turistica en quei document. Sin damonda sa il document vegnir presentaus als interessai.

Il menaschi a Davos Munts ha in'infrastructura elegante, il baghetg ei vegnius construius ord lenna indigena. Igl intern enconuschen buca tuts aschi bein. La part gastronomia ei fetg pintga, in provisorii ei vegniu tschentaus sil plantschiu da tratg per saver cuschnar. Duront il menaschi da stad vegn quella part duvrada da hosps per fa las empustaziuns. La gastronomia ei aschia fetg ineffizienta e cun adina dapli hosps ha il menaschi dapli lavur denton pauc plaz pils conlurrs. In spazi da deposit maunca, la rauba sto vegnir deponida en loghens buc adattai – spatitschai ell'entira casa e schizun en garaschas ordeifer igl areal. La cuschna corrispunda buc allas prescripziuns ed igl ei buca mo nunhigienic mobein era malemperneivel per luvrar. Il niev baghetg (engrondiment dil spaci da magasinar) previus fa basegns buca mo ord confort mobein ord segirtad.

Avon in pér onns eis ei vegniu discuriu d'ina summa da CHF 500'000, in project planisaus d'in architect ha schiziun mussau in calucl da cuosts da CHF 720'000 tgei che ,stess buca en relaziun cul project prevediu. Aschia ha la vischnaunca desistiu da realisar il project cun quels cuosts fetg aults e fatg danovamein ponderaziuns per redimensiunar il project. Cun in

niev projectader ha ei sedau ch'il project actual che vegn oz presentaus muossa cuosts considerabels pli bass.

Il spazi da magasinar vegn baghegiaus sutterran e la finfinala nuot veseivels. La discussiun tier il niev spazi da magasinar ei era veghnida fatga culs locataris Cun ina lunghezia da 14 meters ed ina ladezia da 6 meters e las dimensiuns dallas stanzas, etc. ei era pils locataris da beneventar.

Survesta cuosts da project	
Lavurs preparatorias, preproject	CHF 16'000
Lavurs d'impressari da construcziun	CHF 250'000
Escha, finiastras etc.	CHF 6'000
Lavurs da tetger/isolaziuns	CHF 20'000
Installaziuns sanitaras ed electricas	CHF 30'000
Indrezs da sferdenter (cellas)	CHF 52'000
Adattaziuns vid cuschina existenta	CHF 10'000
Diversas lavurs, adattaziuns vid il baghegtg	CHF 24'000
Honorars (architect, survegionza, inschignier, geometer)	CHF 48'000
Lubientschas, assicuranzas, div. cuosts laterals	CHF 18'000
Lavurs da contuorn, Marchisa plaz avon cuschina	CHF 18'000
Equipament per magasinar	CHF 10'000
Reservas e nunprevediu	CHF 34'000
Total incl. tpv	CHF 520'000

Damondas

Kurt Soller, Vella fa la proposta d'integrar las tualettas sutterran ni sur tiara ed aschia prender talas investiziuns gest en quei project.

Erwin Capeder explichescha che tualettas sutterranas vegn memia caras. Ils ustiers actuals vesan buca in basegn dad engrondir talas. La relaziun tier ils cuosts constetti lu buca pli.

Curdin Derungs, Morissen damonda sche tier igl emprem project seigi igl ustier buca vegnius dumandaus, ed ussa seigi quei lu il cass. El manegia da far avunda grond, la stad vegn adina dapli glieud ed ei funcziunescha a Davos Munts. Ins duei buc aunc inaga fa il medem sbagl da fa memia pign. Il project sa el sustener.

Proposta

Approbar il project per il engrondiment dil spazi da magasinar a Davos Munts e conceder il credit da CHF 520'000.

Conclus

La radunonza communal decida unanimamein d'approbar il project e conceder il credit da CHF 520'000 per il engrondiment dil spazi da magasinar a Davos Munts el vischinadi da Degen.

6. Rendaments da quens finals

a) Sanaziun dalla via da meglieraziun Sogn Gudegn – Chischagl (Vignogn-Degen)

Introducziun

Lavurs	Credit	Cuosts effectivs
Lavurs d'impressari	CHF 945'000.00	CHF 854'634.65
Planisaziun	CHF 5'000.00	CHF 9'140.90

Lavurs sanitaras		CHF 30'686.90
Survigilanza	CHF 9'000.00	CHF 4'080.00
Lavurs da geometer	CHF 10'000.00	CHF 8'878.95
Lubientschas e survetschs		CHF 1'716.10
Divers e nunprevediu	CHF 21'000.00	<u>CHF 1'798.80</u>
Total cuosta da project		CHF 910'936.30
Total credit radunonza communal dils 14-06-2024		CHF 990'000.00
Rest dil credit		<u>CHF 79'063.70</u>

Conclus

La radunonza communal decida unanimamein d'approbar il rendaquen final dil project dalla sanaziun dalla via da meglieraziun Sogn Gudegn – Chischagl cun in rest da credit da CHF 79'063.70.

b) Cumpra d'in vehichel communal per la rumida da neiv

Introducziun

Lindner Lintrac 80 incl. pala da derscher	CHF 162'023.55
Criec e fresa modell «Zaugg»	<u>CHF 56'254.50</u>
Total cuosts	<u>CHF 218'278.05</u>
Garascha Solèr SA, brat Reform Mounty 65S cun criec e pala	
Total entradas	CHF 34'000.00

Total cuosts	CHF 218'278.05
Total credit radunonza communal dils 04-10-2024	<u>CHF 218'000.00</u>
Surpassament dil credit	<u>CHF 278.05</u>

Il survetsch tecnic ha plascher da luvrar cun quella maschina ed ella vegn duvrada intensivamein da segar e far ora neiv.

Conclus

La radunonza communal decida unanimamein d'approbar il rendaquen final dalla cumpra d'in vehichel communal per la rumida da neiv cun in surpli da credit da CHF 278.05.

c) Cumpra d'in auto cistiarna per il corp da pumpiers Lumnezia

Introducziun

IVECO (Schweiz) AG, auto cistiarna Lumbrein	
Cumposiziun tecnica da pumpiers, cargada, chassi da carrar e modul cabina	
Total cuosts	CHF 297'567.15
Segirada da baghetgs (GVG), pagament contribuziun	
Total entradas	CHF 59'660.60
Total cuosts da project	CHF 297'567.15
Total credit radunonza communal dils 14-04-2023	<u>CHF 300'000.00</u>
Rest dil credit	<u>CHF 2'432.85</u>

Conclus

La radunonza communal decide unanimamein d'approbar il rendaquen final dalla cumpra d'in auto cistiarna per il corp da pumpiers Lumnezia cun in rest da credit da CHF 2'432.85.

d) Sanaziun dils parcadis, canalisaziun, lingias d'aua e lingias d'electricitad a Sur Val-Davos Munts

Introducziun

Lavurs	Credit	Cuosts effectivs
Lavurs da cuvrada	CHF 121'000.00	CHF 162'876.80
Lavurs d'impersari	CHF 534'000.00	CHF 447'077.35
Lavurs sanitaras	CHF 110'000.00	CHF 121'873.90
Lavurs d'inschignier	CHF 90'000.00	CHF 103'725.50
Plontaziun	CHF 30'000.00	CHF 18'177.25
Illuminaziun publica	CHF 13'000.00	CHF 9'864.60
Lavurs da geometer	CHF 7'500.00	CHF 16'496.00
Lubientschas e survetschs	CHF 4'500.00	CHF 250.00
Divers e nunprevediu	CHF 70'000.00	CHF 0.00
Total	CHF 980'000.00	CHF 880'341.40

Contribuziun segirada da baghetgs (GVG) per remplazzament hidrants

Total entradas	CHF 19'881.00
Total cusots da project	CHF 880'341.40
Total credit radunonza communal dils 14-04-2023	CHF 980'000.00
Rest dil credit	<u>CHF 99'658.60</u>

La via da meglieraziun ed ils parcadis vegnan separai en dus differents projects. La via da meglieraziun vegn subvenziunada. L'illuminaziun publica va sut il project dalla via muort la procedura da perimeter. La cumpart dil parcadi surpren 2 cazzolas e las ulteriuras 7 cazzolas van sut la procedura da perimeter el projet dalla via da meglieraziun. Il reservuar vegl ei vegnius disfatgs.

Conclus

La radunonza communal decide unanimamein d'approbar il rendaquen final dil project dalla sanaziun dils parcadis, canalisaziun, lingias d'aua e lingias d'electricitad a Sur Val – Davos Munts cun in rest da credit da CHF 99'658.60.

7. Varia

1) Menziuns dil president communal, Daniel Solèr:

- Persunal communal
 - Visada dalla piazza entras Johann Rüegg per la fin settember 2025
 - Engaschau Mattias Arpagaus (100%) sco niev collaboratur per la partiziun administraziun (entschatta 02 da zercladur 2025)
 - Engaschau Sandra Albin (30%) sco nova collaboratura per la partiziun administraziun (entschatta 05 da zercladur 2025)
 - Engaschau Marco Jemmi (80%) sco niev collaboratur e co-menader digl uffeci da baghegiar (entschatta 01. da settember 2025)

- Engaschau Daniel Wolf (100%) sco niev collaboratur per la partiziun finanzas/ persunal (entschatta 11 d'usot 2025)
- Fabio Crivelli (100%) sco niev collaboratur pil menaschi tecnic
- Jose Emiglio Pontes Machado (100%) sco niev collaboratur pil menaschi tecnic
- Risposta alla vischnaunca Lumnezia tier la consultaziun plan directiv d'energia
- La Regenza ha definau ils 14 da zercladur 2026 per las elecziuns dalla Regenza e dil Cussegl Grond
- Reserva producziun d'aua ordinada (Wasserkraftreserve) dall'Elcom per la sesiun 2025/2026 (Lumnezia cun 0.04327%, 108.17 MWh)
- L'utilisaziun futura dall'energia da participaziun ord l'Ovra Zervreila SA october 2025 – fin settember 2028. Las vischnauncas ed il cantun han totalmein 28%. 9% cul modell fixe d il rest 19% modell Spotmarkt. La suprastanza communal vegn a preveder el preventiv 2026 entradas da TCHF 289.
- Consultaziun ordinaziun dalla posta posiziun dalla vischnaunca Lumnezia
- 8185 acquist da terren, zona da mistregn terren da baghegiar
- La proxima radunonza communal a liug ils 17 d'october 2025 allas 20.00 a Vella.

2) Menziuns ord las retschas dalla radunonza communal

Martin Cabalzar, Cumbel remarca ch'il quen annual vegn pér approbaus egl october, autras vischnauncas - tier la vischnaunca Lumnezia pli baul era – vegneva il quen approbaus el zercladur. Pertgei ei quei ussa aschia?

Il president communal, Daniel Solèr declara che quei ha da fa cul programm dalla contabilitad sco era cun la munconza da persunal.

Bruno Capaul, Lumbrein damonda tgei ch'ei previu pertuccont il manteniment dallas vias sco p.ex. la via Alp Staviala Vedra, tala seigi miserabla vidlunder. Vegni cheu fatg lavurs da manteniment vidlunder ni buca? Avon dus onns ei mo in provisorium vegnius montaus. La via ei era fetg stretga ed ins vegn strusch da cruschar. La vischnaunca duei ponderar tgei fa cun quella, ualti segir hagi aunc autras vias en in stan bu sufficientes.

Martin Sgier pren per enconuschientscha las menziuns da Bruno Capaul. Quei che Bruno Capaul menziunescha seigi in canaster ch'ei sesbassaus. Ei dat l'auter onn in project SIE cheutier, aschia ch'ei previu da far lavurs.

Bruno Capaul damonda tier quellas vias che vegnan per grad sanadas van perpart camiuns surora, aschia mondien quellas puspei empaglia. Tgei ei la limitda da peisa per tgei via.

Martin Sgier di ch'ei ha in plan cun si tut las vias da vischnaunca silla pagina d'internet, la peisa lubida ei maximalmein 18 tonnas.

Bruno Capaul damonda tgi che fa la controlla che la peisa vegn tenuta en.

Martin Sgier explichescha che la polizia cantunala fa las controllas corrispudentas.

Kurt Soller, Vella di ch'ei vegniu fatg in'emprova cun la sutgera Vella-Triel questa stad. Ha la vischnaunca schon survegniu resuns cheutier con ch'ei vegniu fatg diever.

Daniel Blumenthal fa attents che la sutgera ei aunc en funcziun entochen dumengia, ils 10 d'uost 2025, aschia survegn la vischnaunca pér lu in resun con ch'ei vegniu fatg diever. El menziunescha era che 2025 ei quei stau in project da pilot, l'auter onn duess la purschida danovamein vegnida instradada cun l'idea da finanziair ils cuosts sur las taxas. Las contractivas vegnan menadas enteifer la Vischnaunca, Surselva Turissem e las pendicularas.

Mario Derungs, Vella di ch'ei hagi tier il plaz da ballapei ina figura din baghetg che dat bunamein ensemen e vesi buca ora bien. El damonda sche la vischnaunca ha la cumpetenzza da dir als possessurs d'allontanar tal.

Daniel Solèr explichescha che la vischnaunca ha intervegniu en quella caussa.

Ei vegn buca pli giavischau il plaid ed il president communal, Daniel Solèr siara la radunonza.

El engrazia a convischinas e convischins per la participaziun, pil sustegn e la confidanza demussada enviers la suprastanza communal. Il president engrazia al persunal ed a tut ils gremis e funcziunaris che han collaborau en ina fuorma ni l'autra.

7144 Vella, ils 08 d'uost 2025

Il president:

L'actuara substituta:

Daniel Solèr

Anina Camenisch